

皇朝實錄

冊六十



大清世祖體天隆運英睿欽文大德弘功至仁純孝
章皇帝寔錄卷之二十五

順治三年三月戊申朔

己酉

曉刻霧蒼白色如細雨 賜會試考試官出簾宴
于禮部

庚戌

以故一寺甲喇章京抗武子畢山半个牛采噶尔
柱子查泰各襲職

辛亥

翻譯明洪武寶訓書成

上以寶譯一書彙憲格言深裨治理御製序文載于
編首仍刊刻滿漢字頒行中外 陞吏科給事中
莊憲祖為戶科右給事中戶科給事中杜立德為
兵科右給事中禮科給事中梁維本為刑科右給
事中兵科給事中李運長為工科右給事中 開
湖廣荊州鼓鑄 禮部言舊例會試中式舉人于
殿試傳臚之後釋褐以前各穿進士巾服至于狀
元冠服及諸進士鈔錠皆有欽賜茲殿試屆期請
旨定奪以便遵行得旨三月十五日殿試明朝中

服不准用照頒發式樣金鍍銀三枝九花頂賜狀
元冠服照六品頂帶其進士每名鈔五定照數折
銀

乙卯

戶部言民間田地撥給滿洲雖已經於鄰近地方
補還但戶舍田園頃非其故遷徙流離深為可念
應照被撥地數一應錢糧全免一年其地土房舍
雖未經撥給滿洲而与近村被撥之民同居分種
亦應照分出地數將一應錢糧免一年凡故明公
侯外戚屯地既經撥出其錢糧自應照數永免如

有被撥之民將他處未撥產業混開冒免者察出
重寃沒之 陞河南道監察御史曹溶為太僕寺
少卿 以故明御史張懋燁為山西道監察御史
王燮為江西道監察御史 陞山西河東道叅政
吳一元為陝西按察司副使固原兵備道直隸廣
平府知府張鳳梧為陝西按察司副使分守關西
道山西左衛道僉事耿應澍為陝西布政使司右
叅議分巡河西道 定西大將軍何洛會等奏報
擒斬黑水峪賊首孫守分胡向宸及其從賊二千
餘人陣獲驃馬無算報聞 歸化城昂邦章京古

魯格等來貢駝馬黑白狐皮等物宴賚如例 厄
魯得部落多爾濟達來巴圖魯喀爾喀部落買達
里庫克克克等來貢駝馬俱宴賚如例

丙辰

以駐防江寧府侍郎巴山為昂邦章京提督滿兵
梅勒章京張大猷為昂邦章京提督烏真超哈及
漢兵駐防西安府甲喇章京傅夸蟾為昂邦章京
提督滿兵梅勒章京李思忠為昂邦章京提督烏
真超哈及漢兵

丁巳

陝西總督孟喬芳奏報定西大將軍何洛會追賊
偽光山伯劉侔仁于山陽縣敗之斬首二萬級報
聞 以朱天定為戶部啟心郎朱三台為戶部理
事官羅錫為兵部理事官 以鑲黃旗滿洲固山
綽爾濟鑲紅旗滿洲固山烏黑內特晉俱管甲喇
章京事

己未

陞山西右布政使王來用為戶部右侍郎總督山
陝四川等處糧餉兼理錢法駐劄西安府湖廣下
湖南道叅政馬鳴珮為戶部右侍郎總督江南各

省糧儲兼理錢法駐劄江寧府

壬戌

殿試天下貢士李奩崇等制策曰帝王若臨天下
莫不欲國祚長久傳之無窮乃三統代異五行違
王初皆顯矣後漸式激豈天之降命然歎抑人事
所致也朕承

上帝之寵臨席

祖宗之休烈入主中夏奄有多方而海濱山陬尚阻
教教今欲早成混一衽席生民鞏固鴻圖克垂永
久以億万年教

天之休遵何道而可欵內外臣工朕所与共理天下者也朕居深宮之中邪正真偽不能悉辨是非功罪不能盡明全凭章奏以為進退賞罰每聞前代朝臣分門別戶植黨營私蒙蔽把持招搖納賄朋類則頓生羽翼異己則立墜深淵更有同年同資師生親故互生援助排擠孤踪浮議亂真寃誣莫控朝綱大壞國祚遂傾深可鑒戒今恐在朝各官因仍敎習不能力改前非所關治亂甚非細故必如何而後可盡革其敎俾朕得日聞正言行正事以綜核名實修明法紀欵在外各官貪酷不公者甚衆臨民聽訟惟賄是圖善惡不分曲直顛倒吏治既壞民心日離姦狡計行善良被陷斯亦向來有司之痼疾也必如何而後能使官方清肅風俗還淳以致太平欵欵定天下之大業必一天下之人心吏謹而民樸滿洲之治也今如何為政而後能使滿官民同心合志欵語曰有治人無治法又曰帝王勞于求賢而逸于得人夫以四海之廣人民之衆應有奇偉非常才全德備之大賢能佐朕平治天下以延運祚于無疆者必如何而後可致之欵諸士心悼前車身逢易運得失之源治亂之

故籌之熟矣其悉心以对毋猥毋泛毋畏毋隱明
著于篇朕將親覽焉

甲子

吏部右侍郎金之俊等故明旧例進士四百名二
甲選部屬三甲選評博中行推官知縣不論名次
每選內外兼用政体人情均屬未協今開創之初
法宜交通臣等擬二甲前五十名選部屬後二十
名選評博中行三甲前十名選評博中行十一名
至二十名選知州二十一名至七十名選推官翰
盡選知縣庶改体人情俱得其評蒞之

乙丑

陞山東右布政使王點為山西布政使司右布政
使山西蔚州道叅政林德馨為山西按察司按察
使管右布政使司事以委署浙江杭嚴道副使
史儒綱為本省按察司副使分守杭嘉湖道浙江
溫處道副使陳謨為本省按察司副使分守寧紹
台道賜殿試貢士傳以漸等四百名進士及第
出身有差

己巳

昌平民王科等七人盜發明陵事覓棄市定西

大將軍何洛會等奏報逆賊一隻虎敗之於商州
斬首萬餘級得獲騾馬無算報聞 山西逆僧劉
光溥糾黨雷贊化任中雲聚眾謀叛被獲伏誅

庫子

平南大將軍多羅貝勒二克德渾奏報臣等奉命
于去年十二月十八日自江寧乘舟向湖廣進發
正月初十日抵武昌偵知馬王二總兵自岳州叛
奔何騰蛟于長沙遣叢章京博羅惠等率兵馳擊
遇叛賊千餘掠臨湘殲之進至岳州王總兵聞
風遁走追擊敗之馬總兵預設水路遁去副將黑

運昌未注率船二百隻迎降二十九日師至石首
聞賊渡江圍攻荊州賊船千餘隻停泊江上二月
初三日遣尚書覺羅郎丘等赴江南岸諭令賊倘
渡江即行薶剝投其船隻大兵去荊州百里渡江
晝夜疾馳初三日早晨抵荊州賊竟不覺尚爾攻
城我兵突分兩翼直躡賊營大破之斬獲甚眾薄
暮收兵即立等于江南岸獲賊船千餘隻次日遣
奉國將軍巴布泰等兩路追殺于安遠南漳喜峯
山關王嶺襄陽府等處撲斬賊寇殆盡師進彝陵
口李自成弟李汝同偽磁侯田見秀偽義侯張耐

偽武陽伯李佑偽太平伯吳汝義及偽將三十九人馬步賊兵五千餘人詣軍降獲玉璽一顆人口無算馬羸牛隻一万二千餘匹頭惟一隻虎未獲投聞優獎之下所司察叙 宴諸進士于禮部賜第一甲第一名傳以漸袍帽諸進士鈔銀

壬申

喀爾喀部落額爾德尼哈談巴圖魯等貢馬宴賚如例 多羅饒餘郡王阿巴泰薨年五十八

太祖武皇帝第七子也 贈卹同州陣歿漢羌鎮標遊擊萬時選如牛录章京例

癸酉

故明大孝士張四知自江南來投誠 以故明御史宗敦一為江南道監察御史 命科爾沁國故秉圖郡王洪恪札子額參襲爵封為朱落泰部落薄羅塞全蒿齊特部落薄羅特為貝勒阿壩該部落多爾濟為貝子

太宗皇帝平察哈爾時舉部來降故也

乙亥

陞陝西、安府副將臧延嵩為都督餘事充本省固原等處地方總兵官 設江南陝西漢兵提督

標兵各四千名分左右中前後五營 招撫江南
大學士洪承疇解送故明內庫銅磁祭器及五倫
書

丙子

未刊日生暈色紅黃有光

夏四月丁丑朔享

太廟遣刑部尚書宗室吳達海行礼 叙山東山西
陝西河南及武昌慶都山海九江等處軍功陞二
等昂邦章京石廷柱為一等昂邦章京三等昂邦
章京墨勒根蝦為二等昂邦章京三等梅勒章京

準塔巴圖魯為三等昂邦章京三等梅勒章京席
特庫為一等梅勒章京一等甲喇章京兼半个前
程希爾良一等甲喇章京明安達札為三等梅勒
章京二等甲喇章京額 為一等甲喇章京兼半
个前程二等甲喇章京張成德喀珠薩弼魯為一
等甲喇章京三等甲喇章京曷勒金深礪沙思体
尔金自成哈寧噶馬天雲為二等甲喇章京牛采
章京兼半个前程達木圖席圖庫阿濟賚濟尔達
岳瞻牛录章京伊拜何託阿爾為三等甲喇章京
授固山額真覺羅巴哈納三等甲喇章京擺牙喇

甲喇章京宗毅尔岱鄂内阿思哈管录牛章京塞
稜阿邦諾莫渾塞内克穆傳桑賽噶布什賢墩科
尔奇廢官武習泰為牛录章京一等甲喇章京巴
弼扈壽巴圖魯海色巴圖魯莽極齒杜喇習費雅
珠巴圖魯思特習巴圖魯武庫礼克習圖諾木圖
朱查噶卜勒巴圖魯卜塞赫巴圖魯扈習納宗果
託巴圖魯莫泰巴圖魯昂凱鄂尔賽圖巴圖魯薩
克察巴圖魯各加半个前程半个牛录章京覺羅
莽嘉魏枚察儲卓和諾席特庫羅鋒渾席霸礼扈

信布魯各加半个前程為牛录章京管梅勒章京
事巴都礼噶布什賢章京扈礼布陶埃多木克圖
擺牙喇甲喇章京席圖庫麻克查喀尔搭喇管牛
录章京法特哈羅邦赫業内蕪默尔席珠邁圖達
木布吳汝玠昂噶畢祿喇薩礼達爾瑪理蕪尔都
温察馮有功虛澍章京雅岱喀尔侃郭退薩門武
孫秦徐成名噶布什賢噉席伯成理事官賽達分
得撥什庫張懋德王國輔各授半个牛录章京贈
陣歿三甲喇章京王世盛為二等甲喇章京以其
弟世顯襲職半个牛录章京嘉隆噶為三等甲喇

章京以其弟子嘉珠襲職盧澗章京哈爾甘為牛
录章京以其子噶林襲職分得撥什庫鄂本為牛
录章京以其子牛鈕襲職管牛录章京董文魁為
半个牛录章京以其子流錫襲職噶布什賢蝦察
瑪堪為半个牛录章京以其兄之子羅思漢襲職
分得撥什庫兼管牛录事阿喇睦為半个牛录章
京以其子席圖庫襲職以故一哥甲喇章京兼
半个前程巴爾都禪巴魯魯兄多內二哥甲喇章
京苗勒深克羅託牛录章京兼半个前程護壽巴
圖魯子頤色半个牛录章京巴都里希之子杭嘉

羅邦子雲悖赫業子莫洛津蕪墨兒子鄂木布席
珠子色冷各襲職分隸投誠官於八旗編為牛
录戶科右給事中莊憲祖疏言臺省缺負應用
部薦与有荐推知一体考選新進士除考庶常外
止宜挨序授職以待取考疏入不允河南巡按
審承勲言前閩賊之乱故明睢陳道閔永傑大梁
道李秉雲邾縣知縣李貞佐城破全家被害歸德
推官王世秀陳州知州侯君擢鄭州知州魯世任
河内縣知縣丁泰運洧州知縣柴荐烟鄆陵知劉
振之鹿邑知縣紀懋勲皆不屈死太康知縣魏令

望闔門自焚在籍鄉紳工部尚書周士模同子舉
人業熙姪監生長春生負文盛俱抗節為賊支解
逃撫張維去罵賊不屈支解死妻李氏子正誼孫
昱俱自經通政使李夢辰同妻王氏後容自縊右
通魏尚賢戶部郎中陰化阳俱被殺武德道賀仲
執同妻妾自縊戶部主事崔泌之城破巷戰死知
縣馮貞吉同妻子投井死呂維禔不屈被害舉人
劉思澤生負戴予言罵賊死生負張我標闔門自
焚張灝聞母難痛極入井抱母屍而出絕食三日
死民孫挺生與妻梁氏俱死生負侯胤錫母焦氏
氏俱死于難請加旌表下所司知之

戊寅

喀爾喀部落岱青哈譚巴圖魯青台吉等貢馬宴
賚如例

己卯

諭平南大將軍貝勒：克德津曰爾等破滅一隻
虎等賊深用嘉悅是皆爾等諸將士同心協力為
國盡瘁故不致重勞我師削平逆醜今一隻虎等
賊既殄滅乘暑氣未甚亟宜班師至于故明廢藩

宗姓有獻地投誠者俱著免死携來京師若窮迫降順或叛而復歸及被執獻者無少長尽誅之其英王招通賊党一經釋放復聚為亂肆行擾民甚為失計如聞賊李自成之弟李汝及賊官田進秀張耐李友吳汝翼及副將秦將等官併賊之兵丁窮而來歸降叛反覆者俱斬倘有誠心迎降者着免死携來允歸順良民勿得擾害諭兵部曰恭順王孔有德懷順王耿仲明智順王尚可喜續順公沈志祥着各統所部兵馬于五月初一日先來赴京步兵着委官率領于是日起程後來吏

科都給事中尚玉軒以新進士厯事尚淺不可特授科道請將部屬改授疏入以玉軒附會莊憲祖具奏結党把持俱革職逮送刑部嚴究同党姓名鄭襄總兵官王光恩疏報攻破房縣賊寨並白馬洞一隻虎餘賊生擒叛將王斌斬首三百六十級陣獲牛馬銀印報聞王光恩又報一隻虎賊党偽光山伯劉体純詐降後焚劫樊城攻犯襄陽光恩同巡撫徐起元統兵擊敗之事下所司寧夏總兵官劉芳名報寧夏兵交殺巡撫焦安民隨經撫定擒斬首惡揚成名白友大等下部知之

甘肅提兵官劉有寔疏報番彝至刺台吉等求根
扶賞狡犯無常請議剿撫以弭邊釁下部議

辛巳

遣官祭多羅饒餘郡王阿巴泰

壬午

設看守

圖丘

方澤滿洲五品官各一員六品官各七員

杜稷壇五品官一員六品官三員 陞理事官鄂屯

為江寧府戶部侍郎屠賴為西安府戶部侍郎

增設盛京贊禮郎二員 浙閩提督張存仁疏

報擒獲逆賊陳万良等報聞

癸未

諭江西湖廣二省督撫鎮臣已經全設地方漸寧

撤招撫部臣孫之獬江禹緒回京

甲申

授一甲一名進士傳以漸為內翰林弘文院修撰

二名呂纘祖為內翰林秘書院編修三名李奭棠

為內翰林國史院編修 選授進士多象謙梁清

寬胡兆龍李若琛黃志遠張嘉石申董篤行李蔚

胡之俊夏敷九傅維遶王公選王炳昆王士驥朱
之錫常成賢王無咎魏象樞王一驥陸萬魏喬介
陳燿抗齊蘓宋杞董瀾石維崑沙澄單若魯李培
真喬映伍張文明楊思聖常居仁王舜年王紫綬
袁禧如沈兆行艾元激法若真藍滋楊運昌劉澤
芳張尔素傅作霖張沂等四十六人為庶吉士俱
送翰林院讀書 陞山西冀寧道叅議姜惺伯為
本省按察司副使 管按察使事山西雁平道叅政
田時震為江西布政使司叅政督糧道山西潞安
道副使姚恭為浙江布政叅政分守温處道山東

運使王顯祚為山西布政使司叅政分守河東道
山東萊州道副使張國士為山西按察司副使蔚
州屯牧道江南蘓州府知府丁允元為本省按察
司副使安序兵備道山西口北道僉事賀九邵為
江西布政使司叅議分守湖西道禮部郎中李起
龍為山西布政使司叅議大同左衛道刑部員外
郎金燦為江南按察司僉事贛州兵備道補原任
浙江温處道錢志翽為本省布政使司叅議兼按
察司僉事分巡金甯道陝西驛傳道叅議齊之宸
為江西布政使司叅議南瑞道 免浙江錢塘仁

和兩縣間架房稅 吏部題豫王英王委官剛內
閣故明陝西潼西道偽授甘肅巡撫周伯達仍委
原官山西臨汾知縣偽授西河巡按御史劉達仍
委原官卓成寧前道石鳳臺委署陝西巡撫貢士
王世恩委署榆林兵備道王鏞委署睢陳道冷時
中委署滎德府知府紀國相委署河南衛輝府知
府應否仍照原委取銜改補請旨定奪命周伯達
以巡撫劉達以御史石鳳臺王世茂王鏞以司道
冷時中紀國相以知府用

乙酉

以故三寺甲喇章京班第塔爾和碩齊子托內一
寺甲喇章京布顏岱子鄂穆布牛錄章京布達札
子克世晉布善子夸詹塞畢倫子僧格敦郭鋒克
子翁訥和碩布根子鄂齊爾沙克涕法喀半個牛
錄章京昂阿子達西高弟子可明霍尔博克子拜
達爾宜宗寧子銘各襲職 賜大孝士宋權朝帽
蟒衣 大學士剛林等疏請于本年八月再行科
舉來年二月再行會試以收人才其未歸地方生
員奉人來投誠者亦許一體應試從之 命孝士
察不害蔣赫德侍讀陳其慶教習庶吉士 是夜

月生暈三重青色黃赤 戶部覆招撫江西兵部
尚書孫之獬疏故明宗室團聚江西省城近數千
人欲思全之應令散居各省宗祿照故明初激額
數解部其加派庶祿概行蠲免應如所請報曰各
省前朝宗室祿田錢糧與民田一體起科造冊報
部其宗室名色槩行革除犯法者與小民一體治
罪仍令各安故土不必散處

丁亥

科爾沁國多羅秉圖塞王塞冷以襲爵貢貂皮駝
馬嵩齊忒部落多羅部落貝勒額爾德尼等貢駝

馬各宴賜如例 免河南睢州祥符陳留柘城等
縣水災本年額賦

戊子

攝政王多爾袞諭戶部尚書公英 爾岱刑部尚
書吳室吳達海大學士剛林祁克格審完我等曰
予恭揖大政賞罰類若疇弗予恭繫茲天潢諸王
昆弟咸

太祖

太宗二聖之子弟也際斯崇貴正宜優養安崇聖立
拜跪之文殊為可省日者出師予為祖道以金鞍

良馬解贈和碩肅親王：屈体而受予用是心惻
至今念之曰欲禁遏此札脫与諸王覲語彼必遜
謝尔等為我善諭之 刑部奏凡重辟減等者鞭
一百貫穿耳鼻得旨耳鼻之在人身最為顯著貫
穿耳鼻之刑永行革除

辛卯

以翻譯明洪武宝訓成賜大李士范文程剛林祁
克格馮銓等完我等鞭鞍馬各一匹銀各五十兩
學士詹霸蘓納海吳達礼來哀額色赫伊圖刘清
恭察不害李若琳胡世安高尔儼等馬各一匹銀

巨寇胡必緒斬獲甚眾下兵部知之

乙未

以委署西河御史劉達進士呂維標于嗣登為試
監察御史 吏部請大選官員俱于午門外掣籤
定之 免直隸靜海吳濟青縣荒地額賦

丙申

江西巡撫李翔鳳疏報浮梁餘干等縣逆寇勾連
閩賊倡亂直犯饒城副將鄧雲龙等率兵擊敗之
副將王得仁等進兵水口擊敗閩賊克光縣復旋
師撫州剿殺東鄉安仁一帶逆孽俘斬甚眾事下

兵部 禁京官乘肩輿

丁酉

以甲喇章京周因佐盧登科為吏部理事官 以
烏起哈峯人張昌胤為山東按察司僉事管分守
濟南道叅議事河南委署睢陳道王鏞為山西按
察司僉事管分守冀寧道叅議事太僕寺少卿管
內院典籍事朱國詔為山西布政使司叅議兼按
察司僉分巡口北道委署陝西巡撫石鳳臺為湖
廣布政使司叅議分守荆西道原任直隸易州僉
事武廷祚為山西按察司僉事分巡冀南道

各四十兩蔣赫德馬一匹銀五十兩侍讀陳其慶
馬祥等十八員銀各四十兩即廷佐允得時國海
銀各四十五兩他赤哈三番馬爾喀等一十八員
編修檢討羅憲文等八員銀各三十兩筆帖式哈
番納爾泰等十七員中書舍人朱國詔等十二員
銀各二十兩膳錄胡光祚等六員銀各十五兩
禮部覆順天督學御史曹溶疏連李諸生屬登祥
之地士子入監似宜從優議 五學內共取三
十名從之 江南道監察御史蘇京言投充名色
不一率皆無賴遊手之人身一入旗奪人之田據

人之豫其被攘奪者憤不甘心亦投旗下爭訟無已刁風滋甚祈勅部嚴禁濫擾事下戶部刑部疏覆審得犯官莊憲祖聽信刑部主事程澆私囑謀之左僉都御史趙開心上疏瀆奏向玉軒聽信工部主事王三元私囑再疏條陳擬莊憲祖向玉軒程澆王三元革職責懲趙開心革職疏入令免憲祖等責俱革職為民

癸巳

草明季加增太平府姑溪橋米稅金柱山商稅安慶府鹽稅湖州總督羅世錦疏報剽平八百洲

戊戌

攝政王多尔袞諭內院嗣後諸王大臣差遣在外凡有奏啟止令具本

御前予處啟本着永行停止

己亥

陞陝西河東兵備道副使張尚為都察院右僉都御史巡撫贛理寧夏軍務罷職造太監安徽巡撫劉應賓疏報官兵進剿寧國太平二府逆賊斬獲無算招撫賊渠鄭璧等二百名餘黨解散下部察叙

庚子

以烏真超哈生負張君賜為山東都轉運鹽使司
運使強于義為兩浙都轉運鹽使司運使

辛丑

諭吏部曰朝廷設官治民而冗負及致病民各府
設推官一員其掛銜別駐推官各行裁革大縣設
知縣一丞典史各一員一切主簿各行裁革原官
職事大員歸并員丞小縣歸并典史其裁過推官
主簿赴部改選至各府同知通判各贅員可裁者
通察具奏

壬寅

諭戶部曰運屬曷新法當革故前朝宗姓已比齊
民旧日鄉紳豈庸冒濫聞直隸及各省地方在籍
文武未經本朝錄用者仍以向來品級名色擅用
新頒帽頂束帶交結官府武斷鄉曲免徭賦累
害小民甚至贊郎粟監動以見朝廷赴監為民安
言復用藐玩有司不當差役且有閩廣蜀滇等處
地方見任為官阻兵抗順而又兄弟子仍前倚恃
鄉紳肆行無忌種種不法蠹國殃民深為可恨自
今諭示之後將前代鄉官監生名色各行革去一

應地丁錢糧雜泛差役與民一體均當朦朧冒免者治以重罪該管官徇私故縱者定行連累其偽官父子兄弟家產人口通着該地方官詳確察奏不許隱漏即傳諭行 又諭戶部曰國計民生首重財賦明季私徵濫派民不聊生朕救民水火蠲者蠲草者草庶几輕徭薄賦與民休息而兵火之餘多借口方策無存增減任意此皆貪官猾增惡害去籍將朝廷德意何時下究而明季叢蠹何時清釐今特遣大李士馮銓前往戶部與公英俄爾岱徹底察核在京各衙門錢糧款項數目原額若

干現今作何收支消筭在外各省直錢糧明季加派三項蠲免若干現在田土民間寔種若干應寔徵起解存苗若干在內責成各該管衙門在外

撫按嚴核詳稽擬定賦沒全書進呈親覽頒行

天下務期積弊一清民生永久稱朕加惠元一至意 河南巡撫羅繡錦起送故明汝寧郡王朱嗣業赴京令戶部照郡王例給糧贍養 轉禮科右給事中韓源為吏科左給事中 陞山東提學道叅政房之騏為本省按察司按察使管右布政使事山西提學道副使孫肇興為江南布政使司叅

政官右布政司事

癸卯

陞霸州兵備道副使李芑為都察院日右僉都御史以故明僉都御史梁雲構為通政使司右叅議

甲辰修盛京

先師孔子廟

乙巳

戶部請定制錢七十文作銀一錢不許多增通行嚴禁逆之

二十五卷終

大清世祖體天隆運英睿欽文大德弘功至仁純孝章皇帝實錄卷之二十六

順治三年五月丙午朔

陞直隸河間兵備僉事陳鵬舉為浙江布政使司參議兼按察司僉事分巡溫處道山西汾州府知府林維藩為湖廣按察司副使分巡荆南道山西太原府知府馬之先為陝西按察司副使河東兵糧道

丁未

以蘇尼特部落騰機思騰机忒吳班代多爾機思喀蟒悟思額爾密克石達等各率所部叛奔喀爾爾喀諭集

外藩諸蒙古兵丁溫鹿崙河命和碩德豫親王多鐸為揚威大將軍同多羅承澤郡王碩塞等率內外大兵征之賜之勅曰茲命尔和碩德豫親王多鐸為揚威大將軍統領內外大兵往征皆叛蒙古蘇尼特等部落尔受命御衆必同諸將商確以圖萬全勿謂已能而違衆勿謂將勇兵強而輕敵隊伍營 瞭望聽靜一切慎防勿得怠惰信賞必罰相度機宜乘其不備而破之我兵將有首先陷陣破敵立功者及臨陣敗走惑亂軍心罪犯重刑者可同衆定議奏聞其各官所犯小過及壯大分得撥什庫以下犯罪應斬者同衆商確即行發落祇承

勿怠爾其慎之

攝政王多爾袞率諸王大臣出定安門送和碩德豫親王多鐸行戒之曰聞騰機思騰机忒等已奔喀爾喀部落碩雷果爾即將碩塞一併取之至于臨陣將帥皆宜躬先破敵勿得殿後以冒虛名倘敵人欺入杭崖可即班師再行整兵征討務盡根株

四子部落溫卜達爾漢卓礼克固多克斯等追勒叛去蘇尼特部落吳班代等陣斬吳班代多尔机思喀塔悟思額爾密克石達等五台吉擒獲一百五十二人馬二千二百一十七駱駝二百九十

千四百七十七

羊八千三百五十奏入以五台吉妻子家產入官餘賜
達爾漢卓札克圖並在事有功人員

已酉

撤各省招撫官吳惟華黃熙胤丁之龍謝宏儀還京
庚戌

勅諭朝鮮國王李倬曰朝鮮歸順之後林慶業煽惑離
間潛遣奸細私通別國及令領舟師故意推諉致悞軍
机推問之時尚不輸服却責于王徑行脫逃後與叛逆
結黨謀害本王自知事洩竄投明朝 惡多端朕先不
發慶業回國原非姑息因平定中原施恩大赦一應罪

惡概行解網今王欲得慶業以靖亂萌理所宜然即將
慶業發與謝恩陪臣解回

諭兵部曰應匿滿洲家人向定擬大辟後不忍加戮減
以鞭笞豈料愚民不體軫恤之心反重隱匿之弊在在
容留不肯舉首只此數月之間逃人已幾數萬送出不
過數百斯皆該管地方官員不行嚴察之咎也似此逃
竄不已滿洲家人必至于盡故令更定新律嚴為飭行
凡隱匿滿洲逃人或被旁人告首或察獲或地方官察
出即將隱匿之人及隣佑九家甲長鄉約盡行捉拏併
隱主家資起解兵部兵部審明記簿轉送刑部刑部勘

問的確將逃人鞭一百歸還原主隱匿犯人處斬其家資無多者斷給失主家資豐厚者或全給半給請旨定奪處分
人將本犯家資三分之一內以一分賞給不出百兩之外其隣佑九家甲長鄉約各鞭一百流徙邊遠如不係該地方官察首者其本犯居住某府某州縣即坐府州縣官以怠忽稽察之罪降級調用若本犯出于某縣其知府以上各官不將逃人察解照逃人數多寡治罪加隱匿之人自行出首罪止逃人餘俱無罪如隣佑甲長鄉約舉首亦將隱匿家資賞給三分之一撫按及各該地方官以察解多寡為殿最有犯此者遇

赦不赦該刑部刊示頒行

遣陝西道監察御史許弘祚巡按甘肅

戶部言制錢

漸廣舊錢日賤應概革不用惟崇禎錢暫許行使舊錢送部每觔給價八分以資鼓鑄報可

辛亥

陞山東登州府知府王維新為本省按察司副使河間兵備道直隸保定府知府張儒秀為山東按察司副使霸州兵備道

甲寅

夏至大祀

地于方澤遣戶部尚書英俄尔岱行礼 陝西莊浪雨雹

傷禾

乙卯

定品官引導公以下理事官以上用大灑金扇一柄小灑金扇一柄甘蔗棍一對如係宗室覺羅官員用紅柄扇紅棍蝦員不論有無世職不許用引導

丙辰

陞吏部理事官佟代為兵部侍郎工部理事官徐大貴為副部侍郎 以周天成為刑部啟心郎禮部理事官恩因泰為太常寺掌印理事官諾木渾泰繼武為理事

官朱徹克為光祿寺掌印理事官翁愛馬承克為理事官以廂白旂滿洲固山理事官噶達洪為擺牙喇甲喇章京 奉恩將軍賴慕布卒追封輔國公謚介直

戊午

江西提兵官金聲桓奏報官兵進取南贛連戰克捷生擒偽軍門劉廣胤及偽恭遊等官報聞 遣官祭 開 聖帝君

己未

叙破流賊及平定河南江南功晉三等公土賴為一等公鎮國將軍宗室拜尹圖為三等公三等輔國將軍宗

室韓岱為一等輔國將軍加三等昂邦章京史格都喇
爾梅勒章京宜爾德為二等昂邦章京梅勒章京顧納
岱阿濟格尼堪張存仁為三等昂邦章京三等梅勒章
京鄂碩甲喇章京屠賴為二等梅勒章京甲喇章京阿
爾津恩格齒馬喇希張大猷甘都為三等梅勒章京加
一等甲喇章京楊正春半个前程二等甲喇章京印瞻
沙爾虎達杜爾德敦拜尼堪為一等甲喇章京三等甲
喇章京吳守進為一等甲喇章京三等甲喇章京鄂爾
寨線應琦馮文用李顯臻為二等甲喇章京牛录章京
喇瑪庫爾輝宜爾都齊顧納禪勞翰徐大貴戴都路有

良為二等甲喇章京管梅勒事李率泰擺牙喇甲喇章
京卜當起礼半个牛录佟養量趙國祚王應爵孫得勝
來和冲噶桓達礼瓦惺噶原削職蘇爾德齒納孫定遠
李雲牛录章京戴漢趙布泰馬佐張紹周吳霸海白爾
赫齒雅喇席蘭湯素蘭德木齒阿爾布尼蘇法溥岱費
楊穀金盛魁王志平李勝白仲文祖世祥高拱極丁啟
明擺牙喇甲喇章京覺羅穆成格埽達塞託克托會布
達習礼噶布什賢蝦安泰虛銜章京阿岱赫勒納噶儲
來納甘珠等拜李國 管牛录事海塞葉克舒谷習馮
噶外達格深色岱察哈泰僧格內爾德俄赫內甘應舉

聶仲金劉自友李應科馬都祐覺羅卓班穆成格莽極
嵩、歸守脩張和道汪文貴分得撥什庫于化龍郭名
望馬思原削賊塞鈕克半个前程贈陣歿牛录章京兼
半个前程扈米塞為二等甲喇章京牛录章京吳納哈
來塞勒布為三等甲喇章京半个牛录陳一德蘇應元
昂金管牛录事吉三綽克托王元爵分得撥什庫錢柳
白身拜為牛录章京牛录章京彭之祥壯大輝山分得
撥什庫席賴金應德白身李响舜半个前程 以扈米
塞子薩弼嵩吳納哈來子齊納翰塞勒布子額塞陳一
德第化善蘇應元子朝鳳昌金子阿祿吉三子哈三綽

克托子鄂睦烏王元爵子秉泰錢柳兄子騰龍拜子卓
克習彭之祥弟之德輝 子常壽席賴子塞勒金應德
父因祚李向舜弟麟繩各襲職以登城功授白身席翰
為三等甲喇章京阿尔達扈霸克泰為牛录章京俱賜
名巴喬魯壯大喀納尔代噶尔馬習白身杜塔礼麻爾
雅星阿蘇拜雅関代薩畢嵩杜習霸俱為半个牛录章
京贈登城戰歿白身薩門戴納為牛录章京以薩門子
克色戴納兄子布尔祐襲職 以故一等甲喇章京兼
半个前程額尔弼赫弟塞尔弼牛录章京兼半个前程
河納達子古習襲職 以平定淮安及克通城等處功

陞二等甲喇章京譚布為一等甲喇章京兼半个前程
牛录章京康噶尔為三等甲喇章京

庚申

攝政王多爾袞以信符收貯大內每經調遣奏請不便
遂貯王府

兵部奏叅鎮守江西總兵官金聲桓疏稱臣原銜提督
撫剿今更為鎮守事權不隆無以彈壓軍民文武請仍
給原銜賜之勅書假以便宜臣部察鎮臣無節制文官
之例本朝更無便宜行事之制聲桓所請殊為未諳自
難允行但江西寇氛尚熾姑改鎮守為提督一切剿撫

事宜仍令會同撫按並聽內院大學士洪承疇裁行改
金聲桓為提督總兵官仍飭行 陞荊州副將鄭四維
為都督同知克鎮守荊州總兵官

辛酉

土魯番國蘓魯譚阿本倫木漢然德阿濟汗遣都督馬
薩郎進方物兼請定進貢額例

壬戌

京師紛傳故明諸王私匿印信謀為不軌及行察果獲
魯王荆王衡王世子金玉銀印魯王等十一員伏誅因
集九卿科道大小各官傳諭曰本朝舉兵征伐原非無

故因萬曆年間教害辱我國以致憤興師旅今荷
天休得膺大寶不修旧怨礼奠崇禎追加謚号其陣獲諸
王盡皆收養不誅不知感恩為報反妄有推立魯王等
私匿印信將謀不軌朕不得已付之于法其未與謀者
仍與恩養因諭尔等知之吏部侍郎金之俊等奏曰背
負寬仁謀為不軌若等宜誅諭曰朕每欲撫恤殘疆極
揀了遣勵精圖治似此訛言不息寔煩朕意

癸亥

以梅勒章京葉克舒為昂邦章京鎮守盛京

甲子

以故明兵部左侍郎張鳳翔為戶部右侍郎 禮部言
察旧例土魯番國進貢來使于京師置買器物額數每
人茶五十斤磁碗碟五十隻銅錫壺瓶五執各色紗羅
共十五疋絹三十疋青白布三十疋夏布三十疋棉花
三十斤花毯二條紙馬併各色紙張共三百張各色顏
料五斤糖果薑各樣三十斤藥材三十斤烏梅三十斤
黑白礬共十斤照此定例置買其龍鳳黃紫各色之物
及鞍轡弓箭刀不許置買如置買諸物兵馬司差役同
通事監視買賣兩從其便如盜買違禁之物買者賣者
並監視人役一併治罪會同館許開市五日自京起程

之後牛羊犁鐮鐵鍋至臨洮府蘭州與本處軍民交易亦買賣各從其便仍行監視護送官兵加意謹防送至關上其至蘭州交易者亦不許買熟鐵及各項兵器令照舊例交易

陞戶部郎中呂鳴章為陝西布政使司叅議分守關西道李甲為陝西布政使司叅議榆林中路兵備道禮部主事吳臣輔為山東按察司僉事兵部員外郎孫啟賢為山西按察司僉事俱提調學政

乙丑

京師大雨雹 諭戶部曰五爪龍鳳凰及通身八補四

團補一應上用袍服花樣俱不許官民買賣着嚴行禁約違者依律治罪

丙寅

定各官引導部院各官執甘蔗棍 公侯固山額真內大臣昂邦章京蘇章京梅勒章京喇章京等官俱執綜竹棍洒金扇如前 授進士林起龍張國憲為吏科給事中劉捷為戶科給事中袁懋功朱之弼為禮科給事中高桂劉洪儒為兵科給事中楊璜為刑科給事中林珀齡鄧林瞿為工科給事中

順天府府尹李魯生以老病乞休許之 工部左侍郎

李他熙請假省親許之

丁卯

陞直隸昌平道僉事金桂為浙江布政使司右布政使
湖廣承天府知府胡騰蛟為本省按察司付使岳州兵
備道 戶部言甘鎮以茶易馬例有定所今各番來請
中馬當以見在茶篋仍于開市處所互布不容濫入邊
內別生事端報

庚午

陞工部啟心郎陳有明為本部侍郎督理蘇杭織造事
務 鑄給江西提督總兵官印

辛未

陞右都督管江南吳淞付總兵事米萬壽為左都督充
山海總兵官 補山海營裁缺付將茅生蕙為狼山副
將周維庸為徐州營付將毛貴為壽春營付將 陞江
南淮海道中軍都司僉書楊志和為浙江掌印都司總
河部院旂鼓都司僉書危列宿為江南掌印都司補原
任山西掌印都司李盛為江西掌印都司 免江南沛
蕭兩縣元二年分荒田額賦之半 陞直隸大名府知
府陳維新為山西按察司付使分巡昌平道山東東昌
府知府遲日盛為湖廣按察司副使分巡荆西道

壬申

定鹵簿儀仗及諸王貝勒貝子公等儀仗引導之例

御前鹵簿馬五對纛二十杆旂二十執鎗十杆撒袋五對
大刀十口黃曲柄傘四黃金大紅傘二藍傘二青傘二
白傘二綉龍黃扇六金黃素扇四綉龍紅扇六彩鳳紅
扇四吾仗二對豹尾鎗四杆卧瓜二對立瓜二對揖政
王蓋十杆旗十執馬四對撒袋二對大刀四口鎗四杆
吾仗二對立瓜二對卧瓜二對骨朶二對青孔雀扇二
青花扇二紅孔雀扇二紅龍扇二紅方傘二紅銷金龍
傘二紅瑞草傘二紅寶花傘二曲柄傘二豹尾鎗四輔

政王綉花紅羅曲柄傘一銷金紅羅傘一綉團紅羅傘
二青羅孔雀團扇一綉團紅羅扇二立瓜二對卧瓜二
對骨朶二對吾仗二對纛二杆條纛四杆旗十執大刀
二口鎗二杆馬三對和碩親王綉紅羅曲柄傘一銷金
紅羅傘二綉團紅羅傘二青羅孔雀團扇二綉團紅羅
扇二立瓜二對卧瓜二對骨朶二對吾仗二對纛二杆
條纛二杆旗十執大刀二口鎗二杆馬三對多羅郡王
綉紅羅曲柄傘二銷金紅羅傘二綉團紅羅扇二青羅
孔雀團扇二立瓜二對卧瓜二對骨朶一對吾仗二對
條纛一杆旗八執馬三對多羅貝勒銷金紅傘二綉團

紅羅扇二立瓜一對卧瓜一對骨朵一對吾仗一對條
燾一杆旗六執馬固山貝子銷金紅羅傘一綉團紅羅
扇二立瓜一對骨朵一對吾仗一對條燾一杆旗六執
鎮國公銷金紅羅傘一青羅孔雀扇一骨朵一對吾仗
一對旗六執輔國公銷金紅羅傘一青羅孔雀扇一骨
朵一對吾仗二對旗四執

癸酉

陞直隸順廣道僉事甘文奎為湖廣布政使司叅議兼
按察司僉事分巡鄖襄兵備道

六月丙子朔

以故一等梅勒章京白之功泊之子鳴鳳一等甲喇章
京格赫礼弟額赫礼牛录章京哈寧阿子韓儲翰黑色
倫弟黑士嵩丁啟明子月龍郎紹貞子化麟魏德立子
邦隆祁拜巴圖魯子格墨爾濟布舒子丹達哈、襲職
以錦州江南松山等處軍功授副理事官韓初翰半
个前程

戊寅

革湖廣右布政使李嵩驛傳道僉事李汝標職降提學
道僉道趙魚二級調用以其赴任規避違限也 陞順
天府府丞王萬象為府尹 免直隸懷柔縣荒田額賦

己卯

遣福建道監察御史宋調元巡按淮揚浙江道監察御史吳達巡按山東

壬午

賜土魯番國貢使馬薩郎等緞凡帛衣物有差併勅諭土魯番國蘇魯譚阿布倫木漢然德阿濟汗等曰爾遣都督馬薩郎虎伯峯進士賀表貢獻方物誠可嘉悅朕荷

皇天之眷撫有明業期于四海寧謐遐域向風長享太平與山河永久至願也念爾土魯番原係元朝成吉思罕之次子察哈台封此地故明立國隔絕二百八十餘載也

今得幸而復合豈非天乎爾等誠能恪修貢獻時來朝賀大責小貢悉如舊例則相加豈有忽望之理今遣發馬薩郎虎臣峯并都督職事阿巴火者等回國特賜線緞表裏爾國所受有明勅印可遣使送來以便裁酌授爾封爵

贈殉難陝西延安府知同張有芳為本省按察司副使同州知州李遇知為本省布政司使恭議郿縣知縣宋永譽白水縣知縣索應運為本省按察司僉事江南揚州府通判知州李翹為本省布政使司恭議海門縣知縣李都產如皋縣知縣馬御輩為本省按察司僉事各

廢一子入監讀書奉具縣丞景文瑞為濟州衛經歷
如準縣主簿徐必遇為揚州衛經歷

癸未

以溫察為戶部理事官

甲申

改孔胤鈺顏紹緒曹聞達仲子陞為內翰林國史院世
襲五經博士授孟貞仁為內翰林國史院世襲五經博
士陞河南懷慶府為湖廣按察司付使兼布政司使
使司恭議分守湖北道山東青州府知府張大任為山
西按察司副使兼布政使司恭議分守口北道直隸真

定府知府齊國重為山西按察司副使分巡順廣道
降調河南南陽提兵官許得功為付將以不援鄧州圍
也
丙戌

吏科給事中林起龍奏近日風俗大壞異端蜂起有白
蓮大成混元無為等教種種名色以燒香禮懺煽惑人
心因而或起異謀或從盜賊此真奸民之尤者也伏乞
速勅都察院五城御史巡捕衙門及在外撫按等官如
遇各色教門即行嚴捕處以重罪以為杜漸防微之計
從之

丁亥

諭兵部曰聞青州大同尚有故明親王郡王在彼寄居
恐被民言誣害致取罪戾各督撫即為查明并其眷屬
委撥官兵護送來京勿致途次疎虞違者重治他省地
方如有廢藩寄居者俱令查明奏聞

己丑

禁假銀及行使低銀

以新造曆書成加欽天監監正

湯若望太常寺少卿仍理監事

川湖總督羅綉錦疏

報提兵徐勇帥兵攻破麻城山賊若生擒偽副將梅增
偽提兵周文江岳州署提兵馬蛟麟等陣斬偽帥滿大

壯生擒偽將龍現明等下部議叙

庚寅

命故鎮國公祐塞子精濟襲爵奉國將軍賴慕布子來
祐襲職以故二等甲喇章京噶達洪子沙爾布牛录

章京鄂爾津巴噶魯叔之子阿邁西各襲職

禮科給事中素懋功請勅儒臣取歷代礼制斟酌損益
編成一書頒行天下疏下礼部 陞湖廣上荆南道
叅政李棲鳳為本省布政使司右布政使江南督糧道
叅議鄭廷樾為湖廣按察司付使驛傳道兼山西大同
道僉事童可選為湖廣布政使司叅議兼按察司僉事

分巡荆南道湖廣武昌道僉事王爾祿為本省布政使
司叅議提調湖北學政江西九江道叅議黃澍為湖廣
布政使司叅議提調湖南學政

夜月食

辛卯

刑部啟心郎額尔克為坐私囑同官追償欠逋革衙門
併削奉介前程仍罰銀百兩 命內翰林弘文院檢討
張端呂崇烈為江南考試官 陞戶部郎中蘭民字為
湖廣按察司僉事分巡上荆南道戶部員外郎唐廷彥
為江西按察司僉事分巡北江道直隸灤州知州鄭仲

為山西按察司僉事分巡冀北道陝西邠州知州李茂
為湖南按察司僉事管糧道叅議事江南通州知州黑
星為湖廣按察司僉事管武昌道叅議事

陝西提督孟喬芳疏奏關西道常立蓄髮通賊命斬之
籍其家

壬辰

吏部左侍郎陳名夏疏請終制不允命展假六月 都
察院左付都御史劉漢儒以病死 陞戶科都給事中
馮杰為太常寺少卿 陞湖南下荆南道叅政高士俊
為都察院右付都御史巡撫湖廣提督軍務

癸巳

都察院左僉都御史李日芄言者民一項不過宣諭王化無地方之責非州縣鄉約者比若以連坐之法加之似乎情法未協諭令者民凡在九家內者一体連坐在外者不得株連 刑科給事中楊璜疏言國家制刑先定律令所以章明憲典示民畫一也龍飛三載更定律令尚未頒行天下無所遵守不但犯法者不知其得罪之由而用法者不免乘乎一時之意乞勅所司刊定頒示以幾刑措之風下部知之

乙未

陞大理寺寺丞趙繼鼎為順天府府丞刑科給事中恭璧為戶科右給事中戶科給事中楊時化為禮科右給事中 命禮科主事孫廷銜中書科中書舍人李寔秀為陝西考試官吏部主事步文政禮部主事沈潤為河南考試官 浙閩提督張存仁疏報付將張國勳等進勦太湖逆賊擒獲偽大學士馬士英長吳伯吳日生主事倪曼青等捷聞令斬士英等有功將士所司察叙

丁酉

征南大將軍貝勒傅洛等奏報大兵五月二十日抵抗州適賊兵營于錢塘江東岸懸亘二百里艤舟江上以

待令固山額真土賴等馬渡上流分兵往擊之偽國公
方國安望風膽落盡棄戰艦急趨紹興携偽魯王朱彝
垓遁保台州大兵奮力追剿屢獲全勝擒偽總兵武景
科等斬獲甚衆江東底定 西安民焦裕焦文茂受賊
偽劄自稱付將傳書煽亂被獲伏誅
戊戌

遣湖廣道監察御史盧傳巡按蘇松廣西道監察御史
王守履巡視長蘆監政

己亥
索倫部落使鹿部落喇巴奇貢貂皮宴賚如例 陞陝

道
西西安府知府崔允升為本省按察司付使分巡隴西

辛丑
陞山東東充道付使周文葉為陝西布政使司左布政

使

壬寅

以故二等甲喇章京色冷子巴圖祿牛录章京阿士畜
侄山賓致仕三等梅勒章京胡雲鸞子遵詔各襲職

癸卯

卯刻

甲辰

賜學士王鐸檢討白胤謙庶吉士李呈祥王崇簡張丕
吉喬廷桂紗蟒朝衣各一襲 允內翰林秘書院學
士錢謙益回籍養病仍賜馳驛 陞掌河南道事御史
衛周胤為大理寺寺丞

